

David Montalà i Palau, Secretari deth Conselh Generau d'Aran,

CERTIFIQUI:

Qu'eth Conselh de Govern, en session ordinària de 19 de març de 2012, adoptèc, entre d'auti, er acòrd següent e que transcrit literaument ditz:

"5au.- APROBACION, SE PROCEDÍS, DETH LHEUAMENT DERA SUSPENSION DER EXPEDIENT DE CONTRACTACION DERA "GESTION DETH PARC DE VISUALIZACION DE FAUNA D'ARAN".-

Vist er acòrd de Conselh de Govern de 4 de mai de 2011 d'aprobacion der expedient de contractacion, deth plec de clausules administratives e dera licitacion dera gestion deth Parc de Visualizacion de Fauna d'Aran

Dat que se publicuèc en DOGC num. 5886 de 25/05/2011 e en perfil deth contractant en data 17/05/2011 aguesta licitacion, en tot quedar definitivament aprovadi es plecs de clausules d'aguesta gestion de servicis publics, en non auer-se presentat cap d'allegacion ne reclamacion en contra, eth dia 14 de junh de 2011.

Dat que, com a conseqüència des eleccions en Conselh Generau d'Aran, celebrades eth passat 22 de mai de 2011, gessec escuelhut un nau govèrn, en tot mantier-se enquiara sua presa de possession, eth dia 18 de junh de 2011, er anterior govèrn en foncions damb es limitacions fixades enes articles 194.2 der Lei Organica 5/85, de 19 de junh, deth Regim Electorau Generau (LOREG) e 39 deth Reiau Decrèt 2568/1986, de 28 de noveme, peth quau s'apròve eth Reglament d'Organizacion, Foncionament e Regim Juridic des Ens Locaus (ROF).

Dat que finalizat eth tèrme de 20 dies naturaus de presentacion de prepauses conforme era clausula 16au, cònte coma presentat en Registre d'Entrada d'aguesta Corporacion eth següent UNIC licitador:

1. Registre d'Entrada num. 1674 de 10/06/11: *SERGE MOUNARD*.

Dat que, coma conseqüència deth traspàs de foncions, non se convoquèc era mesa de contractacion entara dubertura des pliques d'aguesta licitacion enes tèrmes establidi ena clausula 17au deth plec.

Dat que, constituït eth nau govèrn d'Aran en dat 18 de junh de 2011, ara vista der informe desfavorable de Secretaria e Intervencion de 4 de mai de 2011 sus era dubertura dera licitacion d'aguest contracte, pes deficiències observades ena madeisha, ath sòn criteri, sus licències, permisi e disponibilitat de terrenhs, aguest se plantegèc suspènèr era licitacion nomentada enquiara subsanacion des defèctes trapats.

Vist er acòrd de Conselh de Govern de 18 de junhsèga de 2011 de suspension deth procediment de contractacion dera *GESTION DETH PARC DE VISUALIZACION DE FAUNA D'ARAN*, peth sistèma de concors public mejançant procediment dubèrt, enquiara subsanacion des defèctes observadi ena tramitacion der expedient damb disposicion deth lheuament dera suspension acordada en moment que s'agen subsanat toti es defectes nomentats, en tot dispausar-se era convocatòria dera mesa de contractacion d'aguest procediment entara dubertura des pliques dera madeisha.

Dat qu'a data d'aué ja se compde damb toti es informes favorables e es autorizacions entà poder dispausar des finques qu'an de formar part deth Parc de Visualizacion de Fauna d'Aran e dat

qu'era Comission Territorial d'Urbanisme dera Val d'Aran, en session de 16 de març de 2012, aprovèc definitivament eth plan especiau urbanistic deth Parc de Visualizacion de Fauna d'Aran, en tot eliminar-se es motius que deren lòc ara suspension deth procediment.

Cossent damb çò expausat, e ara vista des articles 220 deth Reiau Decret Legislatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public, se prepausa ath Conselh de Govèrn aprovar eth lheuament suspension dera tramitacion der expedient nomenat, , en tot auer en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades en aguesta matèria peth Conselh Generau d'Aran, en session plenària de 27 de junhsèga de 2011 [BOP de Lleida num. 110, de 4 d'agost de 2011 e DOGC num. 5938, de 9 d'agost de 2011].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aguest organ collegiat:

Prumèr.- Lheuar era suspension deth procediment de contractacion dera *GESTION DETH PARC DE VISUALIZACION DE FAUNA D'ARAN*, peth sistèma de concors public mejançant procediment dubèrt, dejà que s'a procedit ara subsanacion des defèctes observadi ena tramitacion der expedient que deren lòc ara madeisha.

Dusau.- Convocar era mesa de contractacion d'aguest procediment entara dubertura des pliques dera madeisha, qu'aurà lòc eth pròplèu dia 22 de març de 2012 entàs 12 ores ena sedença deth Conselh Generau d'Aran.

Tresau.- Notificar aguesti acòrds as interessats en procediment as efèctes oportuns.


Quatau.- Facultar ath sindic, en nòm e representacion deth Conselh, entara signatura de toti es documents publics e/o privats que siguen de besonh entà her efectives era tramitacion e execucion d'aguesti acòrds."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònste ar efècte oportun, signi aguest certificat d'orde e damb visteplatz deth Sindic.

Vielha, 20 de març de 2012

Visteplatz
Eth Sindic



Carlos Barrera Sánchez